



ISUMAGINNINNERMI PISORTAQARFIK
Socialdirektoratet

Nr. 190

ISUMAGINNINNERMI SULIANUT NAAMMAGITTAALLIUUTEQARSIN-
NAANEQ PILLUGU KAAJALLAASITAQ.

Imai:

Kap. 1. Isumaginninnermi ataatsimiititap aalajangi-
gai, takukkit isumaginninnermi tunngasut
siulersorneqarnerat aqqissuunneqarnerallu
pillugit Inatsisartut peqqussutaanni nr. 8-
mi 10. oktober 1979-imeersumi § 7 kingusin-
nerusukkullu Inatsisartut peqqussutaatigut
nr. 6-ikkut 28. oktober 1982-imeersukkut
aammalu Inatsisartut peqqussutaatigut nr.
10-kut 18. oktober 1988-imeersukkut allan-
ngortinneqartoq.

Kap. 2. Isumaginninnermi Pisortaqarfiup aalajangi-
gai, takuuk inuit timimikkut eqqarsartaat-
simikkullu annertuumik innarluutillit isuma-
gineqarnerat pillugu Inatsisartut peqqus-
sutaanni nr. 3-mi 20. oktober 1983-imeersumi
§ 6, kiisalu inuutissarsiorsinnaajunnaar-
nersiutit pillugit Inatsisartut peqqussu-
taanni nr. 8-mi 28. oktober 1982-imeersumi
§ 13.

Kap. 3. Naammagittaalliorsinnaanermi killigititaq
ilitersuinerlu pillugit ataatsimut aalaja-
ngersakkat.

Kap. 4. Isumaginninnermut tunngasunik naammagittaal-
liortarfiup aalajangigaasa tamanut saqqum-
miunneqartarneri.

Kap. 5. Atortuulersitsineq.

Kapitel 1.

Isumaginninnermi ataatsimiititap aalajangigai:

- § 1. Isumaginninnermi ataatsimiititap aalajangi-
gaanut tamanut atuupput:
- a) Kommunalbestyrelsi naammagittaalliuute-
qarfissatut siullertut.
 - b) Isumaginninnermut tunngasunik naammagit-
taalliuuteqartarfik naammagittaalliuuteqar-
fissat aappaattut kingullersaattullu, ta-
kuulli § 2.
- § 2. Isumaginninnermi ataatsimiititap meeqqanik
inuusuttunillu 18-it inorlugit ukiullit
angajoqqaatut oqartussaassuseqartut akuer-
siseqqaarnagit angerlarsimaffiup avataanut
inissinneqarnissaannik aalajangiineri pine-
qartillugit aamma:
- a) Kalaallit Nunaanni landsretti naammagit-
taalliuuteqarfissat pingajuattut.

Kapitali 2.

Isumaginninnermi Pisortaqarfiup aalajangigai:

- § 3. Isumaginninnermi Pisortaqarfiup inuutissar-
siorsinnaajunnaarnersiutininik pisartagaqaler-
sitsinissaq pisartagaqarunnaarsitsinissarlu
pillugit, kiisalu inuit timimikkut eqqarsar-
taatsimikkullu annertuumik innarluutillit
pillugit aalajangigai pineqartillugit isuma-

teqartarfik siullertut kingullertullu naammagittaalliorfigineqarsinnaavoq.

Imm. 2. Meeqqanik inuusuttunillu ikiorsii-sarneq pillugu Inatsisartut peqqussutaanni § 13 imm. 2 tunngavigalugu aalajangikkat nalunaarutiginerisa allaganngorlugit tiguneriniit sapaatip akunneranik ataatsimik piffissaqarluni isumaginninnermut tunngasunik naammagittaalliuuteqartarfimmut naammagittaalliuutigineqarsinnaapput. Suliassani taamaattuni isumaginninnermut tunngasunik naammagittaalliuuteqartarfik siullertut kingullertullu naammagittaalliorfigineqarsinnaavoq.

Kapitel 3.

Naammagittaalliorsinnaanermut killigititaq ilitser-suinerlu pillugit ataatsimut aalajangersakkat.

§ 4. Aalajangigaq sapaatip akunneri sisamat qaangiutsinnagit naammagittaalliuutigineqassaaq. Killissarititaq naatsorsorneqassaaq aalajangiinermik allaganngorlugu nalunaarutip tiguneraniit, takuulli imm. 2.

Imm. 2. Isumaginninnermut tunngasunik naammagittaalliuuteqartarfiup killissarititap qaangerneqarnera akuerisinnaavaa, aammalu kommunalbestyrelsi taamaalioqqullugu peqqusinnaallugu - soorlu isumaginninnermi ataatsimiititap sullitaq naammagittaalliuuteqarsinnaanermut periarfissanik

ilisimatissimangippagu, takuulli § 5, imm.
2.

§ 5. Isumaginninnermi ataatsimiititaq/Isumaginninnermi Pisortaqarfik pisussaapput naammagittaalliuuteqarsinnaanermut periarfissanik paasissutissiissallutik, isumaginninnermi peqqussutit malillugit qinnuteqaatit suugaluartulluunniit itigartitsissutigineqaraangata, qinnutigisarluunniit ilaannakor-tumik akuerineqaraangat.

Imm. 2. Naammagittaalliuuteqarsinnaanermut periarfissanik paasissutissat allaganngorlugit nalunaarutigineqartassapput, aammalu naammagittaalliuuteqarfissaq tullegg kiisalu naammagittaalliuuteqarsinnaanermut killis-sarititaq ilanngunneqassalluni. Naammagittaalliuuteqarnissamut ilitersuut naammagittaalliuuteqarnissamilu immersugassaq ilanngussatut 1-itut 2-tullu ilanngunneqarput. Naammagittaalliuuteqarnissami immersugassat Isumaginninnermi Pisortaqarfimmut, Box 260, 3900 Nuuk, piniarneqarsinnaapput.

Imm. 3. Isumaginninnermi ataatsimiititaq/Isumaginninnermi Pisortaqarfik pineqartup naammagittaalliuuteqarniarnerani ikiornissaanut pisussaapput, taassuma itigartitsineq tunngavilersorneqarsimasoq allakkatigut tigoreerlugu naammagittaalliuuteqarnissami kissaatigippagu.

Kapitali 4.

Isumaginninnermut tunngasunik naammagittaalliortarfiup aalajangigaasa tamanut saqqummiunneqartarneri.


- § 6. Isumaginninnermut tunngasunik naammagittaalliuteqartarfiup aalajangikkani pingaaruteqartut tamanut saqqummiuttassavai, ukiullu tamaasa naammagittaalliuteqartarfiup suliai pillugit nalunaarusiortassalluni.


Kapitali 5.

Atortuulersitsineq.

- § 7. Kaajallaasitaq manna ingerlaannarluni atuleroq. Tamatumunnga peqatigitillugu Isumaginninnermi Pisortaqarfiup kaajallaasitaa nr. 164 atorunnaarpoq.

Isumaginninnermi Pisortaqarfik, 22. december 1988.


Moses Olsen


Martha Labansen

Ilanngussaq 1.

Isumaginninnermi sulianut tunngasunik naammagittaalliuteqarnissamut ilitsersuut.

Kinaluunniit isumaginninnermi peqqussutit tunngavigalugit suliassaatinimik sullinneqartoq aalajangikkamut naammagittaalliuteqarsinnaavoq qinnuteqaat itigartinneqarsimappat ilaannakuusumilluunniit akuerineqarsimappat.

Naammagittaalliut KINGUSINNERPAAMIK tunniunneqarsimassaaq AALAJANGIKKAP NALUNAARUTIGINERANIIT sapaa-tip akunneri sisamat qaangiutsinnagit. Aalajangigaq isumaginninnermi oqartussaasoqarfimmit allagannorgolugu aammalu itigartitsinermut patsisaasunik paasisutissartalerlugu nassiunneqassaaq.

Aalajangigaq naammagittaalliutigineqarsinnaavoq itigartinneqarnermut allagaq nassiutiinnarlugu oqaasertalerlugu naammagittittaalliutaasoq. Aammali najukkami isumaginninnermi allaffimmit naammagittaalliuteqarniarnermi immersugassamik piumasooqarsinnaavoq. Tamatigut najukkami isumaginninnermi allaffimmit naammagittaalliuteqarniartut naammagittaalliuteqarniarnerini ikiorneqartussaapput.

Kommunimi ISUMAGINNINNERMI ATAATSIMIITITAP aalajangigaa uunga naammagittaalliutigineqassaaq:

- 1) Kommunalbestyrelsimut, naammagittaalliorfissatut siullertut. Naammagittaalliut kommunalbestyrelsimit aalangiiffigineqareerpat aalajangigarlu suli naammaginngikkaanni naammagittaalliut uunga

ingerlateqqinneqarsinnaavoq:

- 2) Isumaginninnermut tunngasunut naammagittaalliuutegartarfik, Box 1015, 3900 Nuuk, taannalu naammagittaalliorfissat aapparaat.

ISUMAGINNINNERMI PISORTAQARFIUP aalajangigai uunga naammagittaalliuutigineqassapput:

- 1) Isumaginninnermut tunngasunut naammagittaalliuutegartarfik, Box 1015, 3900 Nuuk, taannalu naammagittaalliorfissatuaavoq.

